



第十四

雲巢詩鈔

西溪集抄

龜谿集鈔

節孝詩鈔

柳田文庫
文庫11
D 156
14

文庫11
D 156
14

集詩鈔

沈遼字睿達以兄邁任入官為審官西院主簿出監明
州市舶司遷太常奏禮郎改杭州軍資庫抵華亭縣事
奪官徙永州元豐八年二月卒於池州遼畜聲伎几研
間陶瓦金銅物皆數閱數百年遠者溢出周秦王介甫
贈以詩云風流謝安石瀟洒陶淵明其子雱亦有詩云
前日覽佳作淵明知不如及徙秋浦築室齊山名之曰
雲巢一洗年少之習從事禪悅蘇子瞻嘗語人曰睿達
末路蹭蹬使人耿耿求此才韻豈易得哉余閱其詩間
出入俗調佳者亦生硬排彘不知何以諸公見賞之如
是也悉為汰去庶諸公不為失言耳

寄陸九

集詩鈔



010190554169

48-12185

賀老湖邊春水生。野陽浮動北風輕。天邊重闕歌筵響。鑑裏絲舟金翠明。大抵盛時須着意。要知吾輩未忘情。君如彥道能懷帽。便逐輕帆作此行。

寄才仲

陶令在彭澤。放懷天壤間。橫江三百里。往往向廬山。多尋簡寂醉。時訪遠公閑。不復顧吏迹。世人指爲頑。公子負文華。少年成青綸。風流不屑俗。爲邑得星灣。節節香爐峰。據案見蒼顏。何勞事舟楫。緩步可躋攀。形骸付物外。勿使人事關。巖壑高世人。有誰偕往還。新篇定盈軸。佳句不可刪。南風儻垂寄。誠足慰衰孱。

贈潘翁龍尾硯

龍尾山盤八十里。龍尾有潭下無底。秋月亭亭潭氣黑。其中更有石色如墨。山川秀氣散不爲風雲。頑不爲砂礫。融結至寶有物主。水上經營無處所。經年始獲不敢賈。我昔游江南。有客遺我誇龍子。吾知龍能變化。是或不可制。追琢爲巨硯。大筆揮離騷。中圓體天形。外方作地象。精光熠熠角生浪。熟視乃有紺羅文。瑩潤無與比。玩愛何可論。我今樗散無所事。特贈華陽鴻筆麗藻人。吾聞蜀都多學士。眞諸文府爲戰具。君如窮經遂絕筆。請與大軸傳後嗣。

春日行

宮梅撲地白瓊班。細柳結煙金縷繁。春華年年來不已。人生七十半衰殘。少時豪放猶不敵。何況羈棲落荆蠻。囊中琵琶金鳳閑。古曲情深屬誰彈。病目矇矓對荒山。東風有意爲掩關。棄置萬事一夢還。江湖水生愁夜寒。

雲集詩集
甲辰年五月十五日夜灃陽觀月

少年悵不樂。明月何爲哉。揚眉一遐賞。寂寂更傷懷。念昔
吾州樂。泛舟湖上來。佳賓適所好。歡計成金罍。妖歌有送
響。度曲清且哀。留連夕陽下。夜色起山隈。光明水晶域。素
彩中天開。龍香弄微風。四顧絕纖埃。澄波照上下。倒影出
瑤臺。紅燭漸向微。始知夜漏催。美人屢更衣。含笑玉山墮。
歡樂殊未已。鼓柁中洲迴。人生無憂患。遇樂且銜杯。悵余
失交臂。萬里來天涯。鞿愁那無感。精慮長如灰。神遊忽自
笑。安知顧形骸。

贈大中鎮國長老

昔從東南來。稅駕依金地。迎風步峻閣。始眺灃陽市。蒼茫
煙霧下。一水縈如袂。落巖連峰。清虛遙相對。宅土信巖

客。杜門忽彌歲。風雲一蕭散。身世兩無累。懷歸悵有感。史
遷念留滯。引脰企昔游。野馬埋蒼翠。何時籃輿去。復將老
師住。請掃嵩下石。爲述空王偈。

遊瑞嵩

已恨初年不學僊。老來何處更參禪。西風搖落歲事晚。卧
對高巖看落泉。

寄四明神智師

甬水樓頭看盡山。南城寺裏扣禪關。老師多事猶相記。千
里馳書慰病孱。

次韻酬明發華宗

長卿倦游欲東還。幸與諸公俱出關。世事轉頭都委夢。人
生何計得長閒。殘花爛熳飄村塢。細雨廉纖隔碣山。誰寫

熙寧十才子。老夫亦入畫圖間。出有正元十才子出關圖。至今多有傳本。

奉陪穎叔賦欽院牡丹

昔年曾到洛城中。玉腕金盤淺淺紅。行上荆溪溪畔寺。愧將白髮對東風。

龜茲舞

龜茲舞。龜茲舞。始自漢時入樂府。世上誰傳此樂名。不知此樂猶傳否。黃扉朱邸畫無事。美人親尋教坊譜。衣冠盡得畫圖看。樂器多因西域取。紅綠結綉坐後部。長笛短簫形製古。雞婁指鼓舊所識。饒貝流蘇分白羽。玉顏二女高髻花。孔雀羅衫金畫縷。紅氍玉帶踏筵出。初驚翔鸞下玄圃。中有一人奏羯鼓。頭如山兮手如雨。其間曲調雜晉楚。歌詞至今傳晉語。須臾曲罷立前廡。歎息平生未嘗睹。清都閨苑昔有夢。寂寞如今在何所。我家家住江海涯。上國樂事殊未知。玉顏邀我索題詩。它時有夢與誰期。

寄文翁

白兔觀邊僊路長。華林修竹到南莊。比鄰雞犬易過屋。適意琴書動滿牀。目斷鶺鴒分漢節。心隨鴻雁極天潢。欲移畫舸遙相訪。正恐田家五月忙。

奉酬舜文即次原韻

生無庸如斷絡已分老死填溝壑。不能掉舌強附會。何暇論經更穿鑿。萊蕪甌噉欲生塵。玉川婢僮常赤脚。世間真逢不易驟。身外名韉誰可縛。本無道義輕一介。小下悲傷念流落水鄉。夏半不厭熱。繞舍新篁尚含籜。訟庭勾釘非吾事。吏按煩苛都可却。農民漸使安剛斂。和氣終須蠲。

疹。煖。子羽不肖過我室。懸榻何妨卧西閣。年來多病亦廢
飲。墻下度泥委杯酌。舊學迂疎不適時。譬如石田何可獲。
欲捕大鵬逐方嶠。終不勞心事弋繳。行當掃掃鳥蜂下。試
煉金鼎長生藥。

題楊師壁

年來病劬厭尋山。且寄清冷白水間。最愛楊師舊茅舍。類
來借榻伴高閑。

寄慶復允中

木葉飄蕭已半殷。試臨高處望君山。野田繚繞來時路。畫
舸逍遙數日間。坐想故人應見億。如今禿髮不勝斑。兩州
相望無千里。莫惜新篇斷往還。

贈清道

少年好書老彌篤。牙籤錦囊數百軸。江左墨妙世不曠。有
唐諸公粗可錄。諸公草法無可稱。中葉始有張顛名。張顛
筆有神會。其妙不似點畫成。後來沙門有藏真。措意瀟
灑尤更精。當時二子最名盛。至今學者皆伏膺。本朝蘇公
名弟兄。汝南蒲陽亦有聲。比來諸公已老死。其餘卑俗類
可憎。我昔乘興遊都城。列子示我新素屏。始知無擇得此
道。長沙道人今復生。歸來窮巷拾柴荆。惠然相訪得忘形。
贈我數行豈無意。勢如九河注滄溟。中間龍蜃降沒升。歎
伏不暇獨可驚。自欲何能謝言情。欲贈金玉還愧輕。慙勤
之揖喜不勝。使我區霧老後明。

池陽

池南柳色未全黃。池北萱芽尚帶霜。老去尋春不嫌早。春

深留與少年郎。
寒煙寂寂鍊青谿。圓月亭亭上曲堤。小杜風情遙可想。閑
調絲竹舞金泥。

林平

河邊柳眼澹煙浮。臘破春歸一歲休。不復昔時羈旅恨。離
明還泊北城頭。

次韻和宋平

憶昔銜杯折梅處。孤山寺前千丈塘。橫遮青林闌殘雪。暗
入紅袖留清香。往遊都城雖屢賞。縱有素艷終殊芳。莫辭
遶林行百匝。更嚼嫩蘂薰愁腸。

和張寶臣卽元韻

始余倦遊念還家。一身泛然寄天涯。頭上白髮日益加。朱
顏不駐爐中砂。飄飄逸氣凌紫霞。猶着黃綬趨泥沙。烈日
謾憑烏帽遮。窮巷歸來夕煙斜。閉門正欲謝喧譁。何憚屋
室多痺疥。楊柳欲落鳴飢鴉。八月秋風想乘槎。市中有金
誰攫拏。自欲歸耕老菑畝。嗜好已背梨與棗。那復開口增
詼詼。眼昏白晝生黑花。老悲獨向兒女夸。枯轍不能活鱉
鮑。騏驎垂耳伏鹽車。一官欣得飽魚蝦。頓首致謁蘇當衙。
愚拙不遇何復嗟。川陸舊遊殊不遐。才渡楊子已聞哇。吳
女蓬髻多鬢髮。西湖信美謝若耶。松竹夾道繁根芽。勢利
屈曲如盤蝸。齋青變化乃龍蛇。漢閨召客舞雙鬢。撫手相
勸競呀呀。西崦老師自煮茶。太守陳樂奏淪巴。湖水洗面
去塵痂。故山白怕留文沙。田裏小兒放猪豨。爲樂往往鳴
簫箏。亦有狐兔怛怛置。令人指手徒爲柳。賤職馳使告及

瓜聿來甬東絕紛華。箝口不復露頰牙。聯曹相係瓊與霞。
上官庇覆不汝瑕。優游重見林中葩。四時風露換物華。新
詩迭致思無邪。吾子俊拔誠可嘉。豈獨鄙言數矜誇。高吟
大字耀紙麻。時雖未亨道不汙。屢出珠玉能愧奢。麻姑手
爪幸見爬。長篇垂况理不差。正如牙戟相鑿叉。

走筆奉酬正夫卽次元韻

樂府古有行路難。但悲白髮憐朱顏。時命多向賢才慳。詰
屈不平萬世間。壯心欲馳步輒跼。試出鋒穎官已癯。中心
忽忽倦且煩。不如歸去江海闊。要懸大刀數撫鐔。何陋九
與八蠻。自顧鄙性疎且頑。誰能隨時事點姦。從來多病
筋力孱。正當落魄臥深山。敝廬數椽粗可跽。安居里巷鍵
重關。終日無人踐茆菅。冠帶不修衣袂黮。高歌一曲舞雲

鬟。比鄰有酒時見頒。春風秋月與我閒。夜靜佩玉鳴珊珊。
高人逸士或往還。蓬舟自訪來前灣。行歌紅藥與香蘭。已
增俗物近塵寰。一身蕭然念早鰥。髭鬚憔悴半已斑。誰能
更問禿與髡。且聽溪水聲潺潺。強來爲吏腰少彎。幸讀君
詩錦繡篇。相望鬱鬱何可刪。君豈久居五兩綸。

次韻酬李正甫對雪

苦寒冽冽日夜增。朔風軒軒勢相凌。遙山頑碧空峻嶒。高
堂閑坐擁敝纒。欲醕一杯意已仍。結歌黃竹但伏膺。愁雲
漫漫方四騰。海氣上薄初不勝。雪霰雜下風作稜。漸著弱
柳頭鬚鬢。半積軒砌發幽層。枯樹兀兀愁飢鷹。紛然不已
失溝塍。一飲一斗心易矜。試步薄冰猶戰兢。圓圭方壁隆
復登。憶昔前年正嚴凝。攝事大蜡清晨興。平生看雪實未

曾健僕駿馬半醉乘。或前或後望交朋。不辨明河與玉澗。
烈火萬炬氣不蒸。被面唯有凍與冰。歸來心目如水澄。喜
看道傍剝作燈。豐年爲瑞古有稱。凍死何暇談鄒滕。欲邀
君飲恨不能。相酬莫問準與繩。

詒隱者

訪我維摩室。不值香積飯。開囊出黃粟。爲汝林中爨。軟語
少稽留。青蔬亦易辦。勿言方外趣。我汝真如幻。

樂神

夷人事神正自醜。山頭水邊與神樂。大巫龐衣手搖鐸。羣
兒伐鼓更鳴角。青山歷歷神欲歸。湘水瀰瀰日脚西。小大
酬歌向山樓。神羹滿盃均汝釐。

日落

日落沙頭山已昏。飢鳥投暝下前村。誰云野客無多事。步
出林間自揜門。

棗花寒

山禽哺鷓半欲搏。坐想葛帔臨風端。數日陰霖復未暢。不
知更作棗花寒。

復作過商翁墓

當年不佩封侯印。後世誰尋墮淚碑。定遠將軍豈夸勇。關
南常侍最能詩。故人不解傳遺事。五嶺猶能識信旗。墓下
寂寥無鼓角。秋風獨向白楊悲。
蒼頭已作歸來曲。不信今生庾氏碑。疑有史官爭立傳。終
無嗣子與聞詩。後房已閉千金妓。私廟空收五采旗。聞說
詔書優贈典。孤魂應結九泉悲。

鉛母潭

余讀子厚書始聞鉛母潭榜舟西江下振步愚溪南高下
凌山阿松篁蔽秋嵐土人識其地古木森榎楠水深日波
瀾此理亦易探古木爲鉛錫土音正相參所記或不然信
書殊未甘此公廢已久山水窮年就造化毫楮間浮實微
相銖幽心有默識西歸助清談

贈廣祐上人

不入四明路侵尋已十年葛藤論往事蟬蛻想蒼煙松下
數株石巖前千丈泉何爲不官住苦屨更參禪

奉簡莘叟

紅葉飄蕭秋後山相望止在一喚間老夫無用方安命夫
子何爲早開關世事不隨歌吹樂此身畧與水雲閒經年
不見寧相外安在區區事往還

火星巖

火星巖下石峻嶒殿閣相望止一僧莫問人間興廢事門
前流水几前燈

疾難

江流激激過彛難更上山頭看打盤百歲老人親擊鼓城
中憂樂不相干

踏盤曲

湘水東西踏盤去青煙白霧將軍樹社中飲酒不要錢樂
神打起長罾鼓女兒帶環着縵布歡笑捉郎神作主明年
二月近社時載酒牽牛看父母

過商翁墓

地豈相知老向瀟湘看立碑
壯節獨馳南嶠事古
不括故山詩愁煙半鍊黃茅壠
部曲誰尋舊將旗遙矚
蕪江想雲氣孤雲落日不勝悲

湘中宿臺步寺

湘源初甚微屢挹不滿缸
比至臺步虛泛泛爲長江
虛頭市初集魚豆皆成椿
夷獠不識人笑鬻蕘與龐
綠荷竭苞苴人散誰復撞
鷗鳥亦來下酒旆停空缸
我來憩桑門竹戶映蓬窓
夜寢那可寐江流正淙淙

泛舟上湘口館

瀟水漫南來湘川趣東下
二水始相會清豪不相藉
山迴石瀨出木老脩煙嫁
泛泛白蘋洲林風媚如画
宿昔感騷憤幽興遙相借
不謂垂老年羈孤窮山舍
潮來刺舟去孤

月臨清夜安得勝鯨魚不復人間化

禪僧巖

瀟湘山水窮欲徧最後乃得禪僧巖
禪僧來已久已化獨
有崖岬青巉巖降身入洞不甚險
突兀三室誰彫剗東西
有道若蛇竇白雲幕幕門無緘
持火旁行不知際七穿八
竅遙相銜涓涓乳泉白如雪
由來此地殊仙凡主人引我
復深入行指嶼穴尤嵌崿
中間石鼓有異響擊拊想可參
韶咸吾身久病苦下溼復良神
怪來邀機直趣出洞上南
巖豁若巨海張雲帆山花爛斑
出竹梢亦有禽鳥擊誦誦
欲還未可復小駐日脚已過東岡杉

贈別子瞻

平生雅游眉陽客五年不見鬚已白
借田東坡在江北

天蓬蒿自種麥相逢不盡一樽酒故態那復論歡戚手抱
瓦武勸餘歷維摩老夫失定力老夫寂寂出三湘更欲卜
古池水陽薄田止須數十畝田上更樹麻與桑老來正苦
迫生事清明雖近猶可秧罷亞若可博乾麩以無易有遙
相望我舟卽行不可駐欲卜後會誠茫茫他時有信若可
寄不用辛苦爲詩章

德相送荆公三詩用元韻戲爲之

幽居卧山間不與世相接餘生委蒲柳滯想遺空劫德相
蚤相親顧我情未厭數枉南堤步更引青谿舫相見亦何
事坐對羣峰昏陽春始萌動煙嵐生劍鋏廉纖數日雨萬
里浮塵浥赤白未殘花修穰半敷葉行招老僧語遙囑東
田饑窮崖歷可造峻流誰敢涉衰齡易生倦幽巖就調爨

德相知我憊雙眸困垂睫高詠楚公作欲引維摩筵初聞
未甚解靜聽疑可獵有如太華峰跛躄豈易躡不知泛滄
海何力施舟楫遙窺土山勝昔乃文靖業二公雖異時名
德遠相躡山川若有待風物增悲懔未知蔡侯履孰與支
郎蹠勝游可槩見筆力方叢業更紆別後情琅琅鋪簡牒
倡高必和寡排比安且帖簫竽合古律宮羽自諧協世人
所欽慕有口空嚅囁東牀坦腹士左右參經笈爲賦奕碁
句璆琳吐霄脇鏘然不可閉由來知捷捷謂如伯升勇揚
兵開宛葉豈比文信君無謀喪張鑿致死在必勝甘言方
示怯尾章示戒訓足以傳芳譟後生知自勵何必捶楚挾
正如嚼冰雪清冷快牙頰我昔造公室公方任調燮辱枉
淵明贈今猶秘巾篋當時隳官去終身欣廢跼冠帶遂已

捐頭腦深埋。肯羨冥冥鴻。安知栩栩蝶。心清久無夢。神
固安知麗。少小銳文史。老大心更懾。是古豈余心。非今寧
我愜。况復論翰墨。爾來那可輒。不識渾脫舞。何愧張顛帖。
所居養鸞雁。菰蒲觀唼喋。亦有藜藿畦。粗充七與挾。孰知
名可貴。安用祿爲糴。無求豈有沮。不動誰能嚼。汝堅百萬
衆。淮濱空雉堞。陵陽丈五墳。朱雲本輕俠。百年竟何往。終
當封馬鬣。何必悵霜毛。更向窓前鑷。

德相所示論書聊復戲酬

野舍老餘生。雅尚今已愜。不逃世憂患。餘事寄巾蹠。行尋
青山轉。坐對青山疊。欲隨白雲去。儻與幽人接。盤桓太清
洞。悵望長江艤。昔時古錦囊。今還白羽箠。不復叔夜燬。真
得孫登攝。九華一枯藜。青溪一孤楫。得喪寄自達。死生安

足牒。朱顏久不駐。白髮何爲鑷。羣物自流轉。吾生寄天燮。
德相屢相過。老夫寧足躡。由來廢井水。不如長劍缺。往往
論書法。軒軒兩目睫。中郎石經在。元常表軍捷。漢魏多傳
人。至宋有遺帖。唐室初最盛。漸衰自中葉。歐虞緬誰嗣。顏
柳何足躡。篆籀昔難工。草聖誰敢輒。巨山作散隸。雄古掀
龍鬣。貞觀喜飛白。凌厲騰春蝶。豈特豁神觀。直可祛鬼魘。
古人有所寓。天性難必協。所志有大小。其材有勇怯。或憚
儒文雅。或軒昂豪俠。或轉戰鞍馬。或驅馳弋獵。或發於止
諫。或得於訟牒。或奮奪牀陛。或造成械櫜。或爲神所追。或
自勢所劫。或醉以賈禍。或詐以行謀。或習於娛樂。或勞於
吟嚼。有燦如文錦。有勁如金枝。有倚如戈鋒。有點如山業。
有駛或如波。有媚或如靨。或騰如煙霧。或落如鳥跼。淵妙

欲飛動。拙惡愧偏摩。當寢或不寐。當晝亦忘飴。有譽終甚微。或毀則羣囁。爲功有不至。考古安能厭。十年幸能就。萬金毫豈濕。金玉數卷軸。龍蛇闕箱笈。是惟小夫技。寧當丈夫業。譬如論唐虞。何曾道郇葉。如君負高識。於此何足挾。一戰雖未霸。遐心豈卽怙。朝廷方洽熙。四皆遠懾。坐復兆河地。直擣幽燕脅。朝夕奏奇功。羣儒爭鼓篋。太平任文治。血何煩喋。道德以爲宇。威武以爲堞。豈比叔孫生。雜用隨何頰。吾衰何可道。不死同原涉。

德相惠新茶復次前韻奉謝

暑雨閤窮山。道滑不可躡。隱几念投老。葛衣坐搖筆。林端使者至。乃得德相帖。佳惠致新茗。遠來自閩笈。吾聞北苑勝。不與羣山接。山下幾千家。以此爲生業。新陽一日至。東

風方獵獵。百草尚勾甲。靈芽已先捷。所採僅毛髮。厥工巧烹燮。甘泉列益釜。熾炭浩旁奮。修竹爲之規。黃金爲之桼。形摹各臻妙。製作易妥帖。至尊所虛佇。守臣方惕懾。其上爲虬龍。蜿蜒奮鱗鬣。稍降乃交鳳。文翼相盤跼。雨封趣北道。驛使互防掖。四方老金玉。擬議誰敢輒。屹屹健士檐。飄迅溪鯨。殺雨不及潤。權門已盈篋。帶鞶體正方。葵華角仍摩。始傳盛王鄭。後來止游葉。大爲權勢迫。小或盜賊劫。其間起鬪奪。亦數冒刑楮。南夷出重購。不憚浮海楫。北比尤好喜笑開。豈不產。豈不生楚葉。厥品乃大戾。固難一理懾。朱門厭酒肉。辯士厲舌頰。儒生備夜誦。農夫困朝饑。禪翁過江養。老獲空腹喋。綺席夢騰騰。玉山頭案業。無魚乃尚可。非此意不厭。一泛舌已潤。載暖心更愜。

不唯豁神觀亦足暢煩懣清冷生肺肝爽快勝抓鑷孰不
恃慧茲伏波煩謗囁孰不飲醇酌伯仁憂腐脅祖述敦雅
尚鴻漸未博涉君謨號精鑒才翁亦相躡玉川七梳典令
人解頤鑿奇章兩串賜遺芳在圖謀余昔喜賓客爲世困
書牒輕重必酬酢往來煩躑躅自從窳齋所藏多敗帙
亦幸衰老年數病脾氣怯棄置在高閣魂夢昏多魘拘病
出湘漢餘生若蟬蝶希夷有幽閑刀劍銷鏗鏃一榻就空
曠百骸得和協久已廢翰墨况復道游俠有味養元和無
物累吾嚼臨風欲占謝遙企山西際

初創二山

左山叢古木紫帶多美竹右山少平地硯礮斷蒼玉於此
豈無竹蕭疎倚嵩谷上參九頂道俯浸清谿澳於彼豈無

石嵌崖大如屋景業讀書處基構有遺蹟始吾購二山何
爲不相屬中間古蘭若臺觀當山腹崑洞九十七龍蛇所
潛伏昔人作軒榭高深奇秋麓我乃舉西崦手自親鉏斲
青溪漫無際島嶼相重復雨餘山更佳春流漲平峪下矚
池陽市修煙弄芬馥大江天上來淮山點眉綠老夫豈無
意落日傲鴻鵠東嶺亦誅菰小菴粗客足六峰引南睇九
華勢相續白雲與誰期千載蟠平陸清曠無俗韻脩明資
遠目去秋已種麥今春復栽粟野老豈余欺東坡幸膏沐
二山誰與適敢與枯藤熟相見詎無人顧我真麋鹿一年
一瞬事何暇知委曲得此化餘年不問君平卜

初泊磁湖

歸舟不解洞庭帆舟上騷人雪滿簪小駐武昌江北岸春

風今夜泊江南

清冷臺

山前縹繞白雲飛。山下溪流那復迴。不向此間休歇去。寧將白髮汗塵埃。

左史洞 在北山

萬古齊山石。誰開左史洞。左史今何在。蒼崖本不動。履嶮下重巖。幽深鬼神總。石門絕世路。久為塵泥擁。青天十畝地。巖岈如覆釜。琬琰鑿屋壁。煙霞列梁棟。崖間不死藥。必非近時種。人去境長存。境與人為重。欲觀疇昔意。幽禽發清嘒。吾方寄淵寂。無礙亦無繼。手自翦荆棘。結茆當石空。長與麋鹿遊。不復人間夢。

送曾處善赴寶應尉

我初隱身治蓬蒿。餘生不復人間世。左山右山白雲上。一動一靜浮塵外。齊山山上老夫庵。青谿谿南侍中第。朱顏公子不易識。短衣欵段來相際。長堤相望雖甚遠。有意即行終不計。東鄰竹閣長夏熱。我構雲東方自蔽。爛斑石臺始一眺。寂靜庵基猶未雉。隨雲步訪胡矮老。放懷止得殊師利。石橋寺前夜月冷。金雞峰下秋霖霽。君恃馬足不憚遠。我駕藍輿隨處稅。六峰老師氣軒豁。九華雌山苦陰晦。庵前菜茹常不厭。城裏羊肩難數置。漫天風雪一暢目。滿榻春陽欣炙背。衰休自參黃檗禪。院福豈是一昌尉。相見終年已解空。分襟一別那成滯。拍江春水浮鷁首。萬里青天運鵬翅。順風莫寄南來書。老夫柴門多自閉。

臺下

右梅落落欲黃時。細雨濛濛暗不開。數日不行臺下路。不知江水過山來。

清冷臺初夏一首寄上翟舅

清冷竹樹暗成陰。漸有溪流過此岑。草草作巢方寄老。惜情設榻本無心。松門不隔紅塵路。月疊初無俗物侵。欲向人間訪消息。渭陽應有遠遊吟。

齊山偶題二首

杜子風情春水波。至今詩句使人夸。不知朽骨猶存否。山上年年黃菊花。朝雲未散白苕陂。落日已過銅陵西。不向人間生皓髮。直尋仙客上青谿。

西溪集鈔

卅二

沈邁字文通。錢塘人。以郊齋郎舉進士。廷唱第一。謂其已官改第二。通判江寧府。除集賢校理。知制誥。出知越杭二州。遷龍圖閣直學士。知開封府。拜翰林學士。丁母憂卒於墓廬。有西溪集十卷。詩非其能事。而唱和者為王介甫。蘇子美。何故而止於是也。

七言送僧息齋歸吳

西風送霜河水落。東都歸客不可留。囊衣卷詩載輕舸。飄然獨下東南州。吳山木落衆峰出。越湖潦散孤嶼浮。橘丹蓴紫新薦俎。若下醪美不計售。十年塵埃一日去。猿初脫檻鷹下鞫。幽潛遠颺肯回首。送之却顧令人愁。鱸魚正肥張翰老。田園將蕪陶潛憂。子歸應有問予者。為解區區茲

有由

五言天台山送僧象微歸山

吾聞天台久。嘗讀典公賦。茲爲東南鎮。神霧之所據。奇挺
究萬狀。嵩岱不足語。頗疑說過夸。特爲辭之媿。象微迺州
民。能識山之故。從容試爲問。聊得一二疏。赤城建霞標。上
與斗牛附。萬有八千丈。矗若天一柱。瀑布發高原。飛流翻
四注。雪霜浮虛空。晦明亂朝暮。巖足多丹石。光華燦寶璐。
稽溪百餘仞。欲濟毛骨怖。九折凌峻梁。五界窮幽路。芝蘭
散奇艸。松桂羅嘉樹。祥風吹白雲。飄然若可御。幽閑足瓌
怪。纖悉難畢具。凡迹古不到。神物陰自護。傳聞昔人說。中
有洞天處。是名不死墟。衆真所游聚。玉堂敞金庭。碧林列
審闢。有能從而求。得之迺仙去。斯言寧可信。良非吾所慕。

吾志本丘壑。久已失厥趣。誰言石渠客。乃甚轍中鮒。秋風
日已高。歸心浩欲驚。茲山宿所愛。送爾緬東顧。吾廬因爾
卜。俾來審繪素。

七言景德寺考試院壁和王介甫所題詩

石藍開盡紅着地。瓜蔓半枯黃倒垂。坐看一夜芳意歇。風
霜卽是蚤寒時。

五言蓬萊山送徐仲微赴蓬萊令

渤海三神山。蓬萊隱嵯峨。仙人桂葉舟。浮矣明月波。驚塵
不可到。飛鳥不能過。世人但傳聞。欲往爲奈何。胡然古荒
王。甘心事欺訛。於今禱祠迹。往往存山阿。當時燕齊間。方
士肩相摩。遺俗頗淪胥。官不嚴禁訶。子去爲邑尹。施舍各
有科。茲實繫教化。無宜反媿媿。平生學詩書。仁術嘗切瑳。

毋日百里小。民人豈不多。誰管之武城。敢復聞絃歌。

七言和君倚景靈行

東城大道何逶迤。中直清廟表六扉。右臨景靈秘館之翼。翼衣帶相國浮圖之巍巍。道旁他舍多絕赫。車無停輪馬交策。風塵勃鬱千丈高。素衣化緇雙毗塞。南阡窮巷我所居。上下省戶兩歲餘。病軀羸乘實厭畏。每趨徑路宮城隅。宮牆倚空背環極。隱嶙樓臺露金碧。朝霞夕照天半明。墻下行人徒眩惑。我嘗入謁得縱觀。威容物采嚴且完。鸞車歲歲躬獻享。孝忠盼蠻通神歡。重門設衛日常闔。靈境那令世人雜。但見長松怪石列若屏。突兀陰森兩遮匝。我家東南滄海涯。乘時偶來觀德輝。歸飛故隱自有期。何必於此空歎歎。

七言和吳仲庶延菴閣後牡丹花

時後殿考進士

承明待詔盡名儒。一願當君奏六符。獨笑開元供奉客。惟將歌句奉歡娛。

南漪堂

山遶湖堂寺遶山。平生願向此中閑。青雲白水相浮蕩。野客高僧獨往還。年少無嫌軒冕累。因循將恐鬢鬢斑。南漪最是逍遙地。且挹清波濯愧顏。

次韻和少述秋興

浩蕩西風動客襟。飄然歸思滿田廬。少時豈省為名誤。老去真知與世疎。勝事祇隨詩句盡。壯懷猶向酒杯舒。南山已有來年約。三徑何年得自除。

次韻和少審言上元寄王巖夫

此都豪麗歲仍豐。此夕都人凱樂中。車馬笙簫千里至。樓臺燈火九衢通。香輿輒輒凌風駛。粉袂翩翩照地紅。病守行春真勉強。更堪攀倚少年叢。

次韻和王巖夫見寄

前日移舟就近村。送君西望大梁門。九重宮闕天光遠。千里江湖水氣昏。壯士遨遊應自適。少年離別枉傷魂。北州為政須當厲。卽上青雲款帝關。

次韻和孫少述潤州望海樓

北固峩峩鐵甕完。京口浩浩海門連。鵬搏羊角來天外。鷲戴方壺獻八前。西府旌旗猶壯略。南朝宮殿盡蒼煙。登臨不用成悲感。自得開懷一曠然。

和少述春日

風流自古吳王國。一一湖山盡勝遊。上巳清明最佳節。故家臨窆錦維舟。初晴池閣暖無塵。花落絲飛不避人。祇愛年年好光景。須知華髮一番新。卧病江東又見春。高齋長日坐生塵。看花飲酒應難強。猶有詩情謝故人。

將至京口先寄孫少述并呈晏子俞

為郡無聞困米鹽。先生有道獨幽潛。豫章因甚尊徐孺。益部何能詘蜀嚴。已脫簿書身自放。肆尋山水意寧厭。京江最欲方洋處。願從屏星卷西幘。

奉酬潤州余少卿見寄

兩鎮旌旗對撫邦。老成循政獨難雙。賜環已許歸西省。擁

擬方來絕大江。後乘願陪幽賞盡。詩新頓使勇心降。主人
意厚春潮小。且卷孤帆。偃畫杠。

戲盧中甫錢才翁

晴日春風花氣浮。少年嬉逐滿揚州。誰憐居士身常病。獨
坐空船理白頭。居士身常病一作終歲借借病

和中甫新開湖

渺渺清波百里浮。昔遊曾是一扁舟。十年人事都如夢。猶
識湖邊舊客郵。

遇冀州聞介甫送

使當相遇。繼得移文以故事請。

避諸路。又以詩見寄。次韻和答。

風沙敝盡舊狐裘。走馬歸來過冀州。聞報故人當邂逅。便
臨近館爲遲留。不容傾蓋論時事。空寄新詩寫客愁。却望

後車塵已合。蕭聲清斷去如流。

還家自戲

憶昨邊城初見春。纖纖垂柳正矜新。不知遠客貪歸意。欲
把狂絲繫画輪。

依韻和李審言見贈叙舊

日與公家三世舊。坐看高閣壓亭衢。榭枿屢構明堂厦。麟
鳳更參聖代符。結友固應皆以義。論詩何獨取於愚。歸舟
早晚乘潮度。猶得西湖一笑無。

依韻和施正臣遊聖果寺

盤崖絕巘與天通。汗漫煙霞謝世籠。聳起浮圖山突兀。自
然衙石玉青葱。古人興廢千年上。遊客登臨一嘯中。誰爲
燕然愧班竇。孤城羈據亦銘功。排衙石有錢鏐刻詩

贈鄒縣桃源宮王道士

我昔剡谿遊。道人亦相遇。重來十歲餘。顏色宛如故。顧我
病衰早。鬚毛已蒼然。乃知世上榮。詎若山中閑。道人家東
都。問胡不歸北。北方多風塵。素衣化爲黑。斯言吾所信。吾
志亦江湖。瀟洒會稽守。平生欣莫如。君恩容苟安。願奉三
年計。幸爾數到城。間談北方事。

次韻和不疑借書鄰幾遇其寢

嗟我江湖人。野性實疎簡。况從衰病侵。事事益以懶。豈不
息自強。所息乃有限。但愛江夫子。平生事高散。維於讀書
勤。晝夜不去眼。每勞從事賢。獨使簿書縮。揮署曾不勞。兼
人信無趣。有時倦欲休。就席初不煖。鄰友更借書。丁丁叩
門版。尤感更舍喧。牛羊聞曉鐘。不如歸吾廬。靜對日晷晚。

詩成還示我。足以驚幽孱。

沈與求字必先湖州德清人登政和五年進士累遷至明州通判召對除監察御史歷兵部員外郎殿中侍御史請都建康上不悅出知台州召還再除御史遷御史中丞前後幾四百奏其言切直自敵已巳下有不能堪者高宗時有所訓勅每日汝不識沈中丞耶移吏部尚書出知潭州召除參知政事出知明州遷知樞密院事卒謚忠敏其詩喜論體製格律源流所自不費苟作有

龜谿集十二卷

次韻曾守懷玲瓏山

泉石有膏肓料理費和緩風埃客子遊夢想畧相半端如
麩羊酪投匕念鄉饌懷哉小玲瓏舊賞記酣宴玉女下雲

總輕我年未冠。誅茆老三間。此意已懸斷。少須草堂資。兩足那可絆。謝公愛東山。自結尋幽伴。詩筒忽相先。紙價豈容賤。流傳從使君。感此歸息亂。擷蘭躡危根。漱石俯長澗。野性等麋鹿。百嗜寧食薦。攬衣中夜興。測漏疾流眄。局步愧鴛鴦。早飛傷短翰。正使屐齒折。未救斧柯爛。時節脫復徂。遲莫空浩歎。何當脂下澤。去路鬱交貫。

錢塘賦水母

疾風吹雨回江城。鱗牙嘔啞潮欲平。客居喜無人事擾。相與環坐臨前楹。眼中水怪狀莫名。出沒沙蒲如浮罌。復如緇笠絕兩纓。渾沌七竅俱未形。塊然背負羣鯨行。嗟其巧以怪自呈。疑目懽視相將迎。老漁旁睨笑發聲。曰此水母官何驚。江流如奔絕滄瀛。潮汐往來月爲程。藏納衆污無

滿盈。浮埃沉滓。濶九清。結成此物。宜昏盲。使鯨導迷。作雙睛。乃能接迹。蚌與鯉。亦猶巨蛭。二體并。離則無目。爲光精。江天八月。霜葉鳴。吾師得鯨。俱水征。水母弃擲。羅縱橫。試令收拾。輪庖丁。絳磬收涎。體紆縈。飛刀鏤切。武火烹。花羹釘。餌粲白英。不殊冰盤堆水晶。稍醯齋寒。芼香橙。入齒已復能解醒。遣漁止矣。勿復評。嗟哉此性。愚不更。定於故態。招三彭。且摩枵腹。甘藜羹。

人病之

泛舟村落。阻風不能少進。而菱梢芡觜。綠舳上下。篙艇子掠岸行。水瘦不濡尾。狂飈振疎蓬。獵獵鳴兩耳。十篙八九褪。逆勢何乃爾。野芡伺吾間。回梢哆利觜。亦有芰浮角。一一肆輕鄙。初欲事幽尋。解纜出疎葦。乘流覓清淺。濯

纓助深喜。事有大不然。移項未離死。安得望蓬萊。巨艦破
潮起。征帆駕長風。一日三萬里。

夜坐感事

沉沉夜氣歸。虛堂閉深寂。孤燈地餘花。寒雷韻殘滴。醞釀
萬斛愁。感慨一人敵。何當棄短檠。陰山叱鳴鑼。

戊申初寒偶作

去年十月冬猶溫。單衣曉出錢塘門。攜拳僅脫餓虎口。更
吟楚些招驚魂。兒女爭從亂離苦。啞啞遶膝多語言。舟行
畏塗侵夜泊。孤燈明滅何處村。蕭蕭細雨疎葦響。風力漸
搖枯柳根。失聲號寒泣龍具。促糶傍險爭前奔。還家依然
四壁立。故衾敗絮那忍論。無衣豈暇具裘褐。海圖圻裂波
濤翻。天公戲人亦太虐。雪花徑尺連上元。今年十月事羈
官。兩脚如舊身大存。紙窓寂歷風竹嘯。古木中夜號空園。
旅人眠毛骨冷。撫事念往多煩冤。吾儕小人不論數。豺
狼滿目哀王孫。似聞易水寒墮指。北望大漠煙雲昏。安得
壯士馭八駿。沙蟲猿鶴俱騰騫。歸歟莫如中土樂。天子孝
友朝廷尊。坐令鐵衣掃爨蟲。四海挾纊懷君恩。

夜宿千秋嶺下田家

陰飈來悲風。薄莫吹急雨。冥冥攬寒色。咫尺暗山路。茅簷
兩三家。曲澗縈竹塢。停車遣問訊。欲止此何許。老翁行步
弱。扶杖倚門戶。問我官何忙。野宿今無所向。夜號狐狸深。
林。嘯豺虎。甘心在擇肉。闔首輒憑怒。駕言往何之一榻翁。
敢拒。延我傍中堂。慇懃慰良苦。解衣土鏗旁。支枕憇行旅。
昏然飽安眠。境寂絕猜怖。雞聲報明發。征車犯寒去。呼燈

別老翁鼻息方栩栩

維心方刊正三國史。某以精筆遺之。蒙餉大篇爲謝。氣格渾然。三復感歎。謾依元韻奉和。燕陋增愧。諸豪雄誇劔芒鉞。毛錐斂避收餘尖。橫間黯黯渴銅雀。案上爬沙枯玉蟾。學堂山人有遺齋。筆力大可千人兼。掉頭不肯書柿葉。酒酣起舞舞怒奮鬚。十年歸坐溪口屋。傲視冠冕猶髡箱草玄。草聖聊戲耳。如醫識藥信手拈。邇來直筆到三國。去取法度何森嚴。眼中青白世矜異。皮裏陽秋誰顧瞻。更憐中書今且老。雞毛葦管爭出奩。懸知入手便擗劣。那復助子窮幽潛。我持妙韻急送似。標題珍重存華籤。勢如執汰貴心正。俗病要以此語砭。揮掃定見龍蛇走。紬繹何憚歲月淹。須知筆意似人意。柔順未必非凶險。

清明日晚晴

正好園林藉落英。細風吹雨濕清明。牆陰旱渴休無賴。自有鳴鳩解喚晴。

舟過荻塘

野航春入荻芽塘。遠意相傳接渺茫。落日一篙桃葉浪。薰風十里藕花香。河回遽失青山曲。菱老難容碧草芳。村北村南歌自答。懸知歲事到金穰。

從劉殿院借書

骨寒宜伴列仙臞。欲喜依劉計未疎。自昔暗中人易記。到今名下士非虛。欲從給事論奇字。擬向中郎得異書。願借牙籤三萬軸。爲公一一辨蟬魚。

過徐氏莊居

只着南冠不着纓。掉頭防我問功名。數椽茆屋有時漏。一
壑野田無具耕。酒地定能容勝踐。墨畦終擬過平生。扣舷
歸去蒹葭闊。後夜相思看月明。

過徐氏郊居

林梢眇眇墮斜暉。剝啄還來扣隱扉。門巷劣容居士屨。塵
埃不到野人衣。恰當夜甌黃梁熟。盛供春山紫蕨肥。侍坐
無人只山川。兩翁相對自忘機。

次韻盧憲春意

少陵花惱便顛狂。天與多情付此郎。宿露園林鶯舌亂。暖
風庭院蜜脾香。閑愁幾欲縈春事。幽怨還能入醉鄉。應斷
玉樓雙望眼。便須催促理歸樁。

次韻宏父喜雨

黃壘初看卷麥禾。老農還復厭晴多。四郊岸尾開新泚。一
雨苗根長舊科。已發政聲歸召杜。更驚詩律鬪陰何。王孫
欲識田家樂。水亂溝塍涉可過。

行簡以曾守韻見貽復和一篇

續經無復補嘉禾。老去忘懷及見多。摘尾簿書寧問署。點
頭章句僅成科。求田下澤吾行且。招隱空山子謂何。行簡
晚故山歸
垂林之句千萬買鄰真左計。一丘端約老相過。

曾宏父將往雪川見內相葉公以詩爲別次其韻以

自見

客裏思家且罷休。無聊懷抱不禁愁。時魚苦筍過百六。天
到一年春盡頭。

牆根啁啾百鳥鬧。最愛乳鳩來喚晴。日永春閑澁院落。羣

能使當管絃聲
揚舠送子下蒼雲
繫纜沙頭多柳株
十載風埃老行客
不知鷗鳥記人無
前溪溪頭玉色魚
羊酪豈可比鮮腴
江黃會中有勝處
健步走置煩長鬚
野店山茶亦可口
試敲松火煮石泉
相逢故人如問訊
但道老去多煩煎

還憩湖光亭復次江元壽韻

羊酪尊羹本異區
江湖隨俗語夙隅
紫鱗撥刺衝文苻
翠羽翩翩過綠蒲
舴艋興饒青絡馬
笈簪自當紫微盃
叢書校罷頻搔首
天末孤帆去欲無

僕人自燕山來云有次律兄書被盜失去

投曉平安使
倉皇扣倚廬
修塗幸及此
細語問何如
云自三關道
曾持一紙書
崎嶇經寇難
隻影到鄉間

杜季習遊恒山謁府帥劉公輒次劉彥常韻作詩送之

勇往都忘去路難
曾吞螭虎氣桓桓
吳頭楚尾三年夢
塞北江南五月寒
瘦馬繫門留我別
明珠攜袖許誰看
書生自有西江量
何止能濡舌本乾

董采大有詩紀吳江豁然閣舊遊索僕繼和

湖陰舊雨記重來
小閣深明傍水開
蝶竦橫空橋倒影
琉璃拍岸浪成堆
勝遊君復羹魚婢
幽屏予方飯芋魁
遙想經行斷堤曲
野花漂盡雪玫瑰

石壁寺山房卽事

望斷南岡遠水通。客橋來往酒旗風。畫橋依約垂楊外。映帶殘霞一抹紅。

石壁寺

山紫細路走修蛇。峭壁連雲只薜蘿。木末忽看幡影亂。馬頭初見殿陰斜。迴廊迤迤穿危嶠。側澗涓涓露淺沙。秀色可餐吾事辦。粥魚茶板莫相夸。

秋日閑居

茆屋秋風斗破除。蕭騷渾似浣溪居。青山侍坐從吾好。黃帽籠頭與俗疎。賴有園官能送菜。可無溪友解留魚。從今輒莫慚枵腹。一飽須煩插架書。

野外罕人事

野外罕人事。雖貧心自寬。霜蔬供綠節。社酒泛黃團。日落歸牛近。風微宿鳥安。展書遮老眼。燈火砌儒酸。

次子虛韻

誰能延月倚危樓。細履相將偶當游。倦聽山歌懷舊俗。閑看水戲濺寒流。戲土人以水戲然燈燈光競作千門曉。酒力微寬一掬愁。明日八分疲阿買。詩饑元只在清眸。

次夕雨作用子虛韻奉懷次顏知魚軒小集

夾道繒山聳蜃樓。小軒終憶數條游。月將人意十分滿。雨入溪光一派流。靜聽屐聲喧夜市。旋挑燈地醞春愁。閉關不問陰晴事。時怪玄花掠病眸。

卽事

造物勞人亦惜哉。又驅疲馬上崔嵬。經從野店初嘗筍。行盡江村始見梅。千里短書先夢寐。半生多難足風埃。桔槔

八
俯仰成何事。已念漁蓑歸去來。

次吳江

小邑蕭條兵火餘。狐狸入市自相呼。荊牆竹戶斜陽裏。十
室生涯久已無。

允迪招行簡卜居鷓鴣谷。僕意羨之。作詩送行。兼以
自見。

嚴陵灘下鷓鴣谷。聞道元英舊隱廬。鼻祖名高詩格在。耳
孫才傑宦情疎。漫山松桂雁行立。入郭荊茅星散居。知爲
劉郎賦招隱。莫教花落到通渠。

子虛航重湖之險。遠過山中。輒次維心韻以謝。

小窓眠蠖虎。敗壁上蝸牛。老樹陰垂合。前山翠欲流。狂言
連世用。彊飯了身謀。不謂輕千里。能迂訪戴舟。

次韻學士兄見一亭

塵土敗名如敗敵。雲山招隱似招降。謾傾魯酒醒猶獨。聊
發吳謳調本雙。誰念佳人在空谷。自同漁父老清江。它年
對榻分餘地。風雨蕭蕭夜打窓。

次律兄餉魚。魚不至而詩至。頗類南海使君送酒。輒
成絕句。

憑虛公子騎鯨後。烏有先生控鯉初。可是凡魚亦仙去。空
餘一紙腹中書。

劉希顏提舉見過。出自卞山居二詩。次其韻。

偏仄風塵際。分攜歲月賒。向來聞避地。勝處偶爲家。對客
談鋒銳。憂時酒量加。中觴莫辭醉。回首又天涯。
次韻呈維心。拙澀不工。當爲抵掌。

粲粲疎梅短短牆。騷人長恨失遺芳。低徊草棘精神透。彷彿關山魂夢香。月淡乍看清影亂。春深終恐綠陰藏。歲寒爲爾添愁絕。倚樹微吟亦自傷。

戲酬管草茶

慣看留客費瓜茶。政羨多藏不示夸。要使睡魔能偃草。肯慚權伯解迷花。一旗但覺烹殊品。雙鳳何須覓瑞芽。待摘家山供茗飲。與君盟約去騎奢。

節孝詩鈔

卅四

徐積字仲車。楚州山陽人。少孤。從安定學。門下踰千人。獨以別室處之。遣婢視飲食澣濯。盛寒一衲裘。以米飯投漿甕中。日食數塊而已。事母至孝。以父名石。平生不用石器。遇石輒避。母歿。廬墓哀號三年。如一日。每以五字教學者。公卿部使者交薦。除楚州教授。改防禦推官。又特改宣德郎。崇寧間。又特除西京嵩山中嶽。皆非常制。七十八卒于家。謚節孝處士。先是枕書卧。冊間大書曰。五月榴花不宥開。直待徐郎來。筆蹤不類人世書。卒時適五月一日。人皆異之。詩文用腹藁。嘗曰。文字在胸中。未暇出者甚多也。晚年耳疾不發。遠書率以小詩報之。

和楊掾月蝕篇并序

楊子常掾爲月蝕篇示予辭義甚偉其不敢虛辱其觀
迺吟哦而和之詩曰彼月而蝕則維其常春秋月蝕不
書其非大變也可知矣形而爲詩歌若無不可者遂卒

賦之云爾

元豐之元歲戊午斗柄斜指西南維月行赤道日南陸營
丘分野星虛危昨夕旣望復今夕盛若不損盈不虧安知
變起在頃刻突如有物侵其肌其始色變甚倉黃須臾赤
黑相合離良久煙焰極薰燎一團白玉燒爲灰黃琮蒼璧
不可辨枯株死兔將安歸孰烏其吻吞巨皿孰丹其汗流
墨池如食非食始爲薄有物無物不可知蝦蟇何物敢張
口麒麟何故敢爭鬪是何星曜敢侵犯自是其形不可久

君不見對月數眉毛須臾引臂不見手嗟噓天上之神物
乃有如此事所蔽至甚不可解凶而家室亡而身不然借
使幸而免後世譏笑遭惡名君不見漢朝賈生文有餘其
心大勇其才疎當時如必用其術紛紛不免危其軀鼂鎔
堂堂蔽於刻公孫規規蔽於詠谷永之才蔽權勢有若鷹
犬供指呼霍光雖賢亦有蔽何不早去顯與馮子都劉歆
致位爲國師豈若楊雄久以爲大夫蔽於大高李膺輩蔽
於已甚陳蕃徒竇武不斷蔽可痛東之不忍蔽可吁王允
所蔽在無權荀彧所蔽不早圖蕭禹之蔽入於佞王衍之
蔽失之虛牛李雖奇蔽朋黨機雲雖俊蔽附趨王導蔽怨
殺周顛遂良蔽誣殺劉洎崔浩蔽強殺其身所蔽若此甚
可畏我愛安世真朴忠匿名遠世歸至公有私見求堅不

許以私求謝絕不通。諸葛武侯爲將，相心迹皎然，無所枉。有罪至親而必誅，有功雖讐而必賞。謝安知壻王國寶，不以身蔽能，辨早。人心自是悅而服，不顧四肢與肝腦。符堅之師號百萬，一戰而北，若摧朽。我吟此篇，不足錄。却憶唐衢忠義哭，古人今人何擇焉。大抵人心蔽多慾，月之所蔽，惟須臾。須臾蔽去，明如初。人之所蔽，何太甚。至於終身不悟，不可除。月乎月乎，明哉明哉。善去其蔽，何速之如。君子法之所以改過，賢者法之所以知非。勇決之徒，所以奮發。感槩之徒，所以嗷歔。我雖老且病，齷齪無所爲，猶能對月吟歌詩。安得慷慨之士，如桓伊把笛爲予吹。

大河上天章公顧子敦

萬物皆有性，順其性爲大。順之則無變，反之則有害。禹之治河也，浚川而掘地，水行乎地中，其性安而遂。因地爲之防，猶恐不足制，故附之山足，使循山而行。山不可必得，或原阜丘陵，水行乎兩間，旣固而旣寧。及將近下流，山遠而地平，渠裂爲二道，河分爲九形。雖暴不得怒，雖盛不得盈。所以順而制，歸之於滄溟。後代蒙其業，歷世六七十。凡千有餘年，而無所決溢。國君與世主，豈皆盡有德。蓋繇河未徙，一皆循禹迹。河道旣一徙，下涉乎戰國。水行平地上，迺堤防湮塞。其時兩堤間，寔容五十里。水旣有游息，堤無所毀。後世迫而壞，河設始煩促。伐盡魏國薪，下盡淇園竹。羣官皆負薪，天子自臨篤。其牲用白馬，其璧用白玉。歌辭劇辛酸，姑不至號哭。瓠子口雖塞，宣房宮雖築。其後復北決，分爲屯氏河。遂不復堤塞，塞亦無如何。兩河旣分流，害

少而利多。久之屯兵絕。遂獨任一渠。凡再決再塞。用延世之徒。有天時人事。可圖不可圖。有幸與不幸。數說不可誣。其後復大決。大墮其田廬。灌三十一縣。言事者紛如。將欲塞之耶。凡役百萬夫。費累百巨萬。亦未知何如。如此是重困。是重民歎。吁。言事者不已。亦不復塞。諸李尋解光輩。其言不至迂。遂任水所之。渠道自割除。當時募水工。無一人應書。學雖有專攻術。亦有窮歟。諸所說河者。桓譚實主之。但聚而為書。實無以處之。班孟堅作志。亦無所出。取事有甚難者。雖知無所補。今之為河堤。與漢無甚殊。遠者無數里。近無百步餘。兩堤束其勢。如縛吞舟魚。適足激其怒。使之逃。囚拘。又水性隱伏。有容而必居。漫注而灌注。日往而月徂。埽材有腐敗。土壤有浮虛。水進而不止。正如人病軀。病已在骨髓。醫方治皮膚。下不漏足脛。上突為背疽。或水如雷聲。或埽如人喘。或決如山傾。或去如席卷。如蛟龍引陣。如虎豹逃圈。如地戶開闢。如誰何生變。如神物主之。不可得而辨。嗟乎。有如此堤防。豈能禁。蓋緣平地上。失水之本性。而又無二渠分九河所任。以九合為一。所以如此甚。今之為邑居。多在古堤內。以諸埽準之。高於屋數倍。以水面準之。亦高數尺外。諸埽正如城。而土有輕脆。民正如魚籠。處破湟。吠澮。被溺者常事。不溺者幸大。又河水重濁。淤日以積。又夏秋霖雨。諸水湊以入。故有必決勢。不決者蓋鮮。或決彼決此。或決近決遠。或決不可塞。或塞而復決。或決於旦暮。或決於歲月。或新埽苟完。或舊埽潰裂。譬如千萬鈞。用一繩持挈。必有時而敗。必有處而絕。而自決大。

吳凡害幾郡縣。河既北渡邊。諸塘皆受惠。亡與逸馬孰
爲之隔限。今雖甚盛時。亦防不虞變。所以議論者。復故道
爲便。故道雖已高。可復亦可爲。但恐既復後。其變不可知。
我兵學雖陋。公兵學雖奇。我說兵之難。公亦莫我違。河事
異於兵。其難堪歎歎。智有不可及。力有不可施。汲黯非不
偉。所塞輒復隳。王遵無奈何。誓死而執圭。若與唐衢說。號
哭垂涕洟。未說穿故道。未說治故堤。且說塞河口。所費不
可推。諸所調發者。秀積與山齊。卷婦者如雲。進婦者如飛。
下婦名入川。其誓憂流移。上婦名爭高。少動卽勢危。萬人
梯急赴。兩大鼓急樅。作號聲號令。用轉光指麾。其救護危
急。爭須臾毫釐。又聞被災郡。數路方薦飢。官私無畜聚。民
力俱困疲。朝廷謀已勞。兩宮食不怡。生民仰首望。使者忘
寢飢。爲之奈何乎。勿計速與遲。事雖有堅定。議論在所持。
如一身所疾。必以先後醫。假如移所費。用以業貧民。償其
所亡失。救其所苦辛。或貸其田租。或享其終身。獨孤有常
餼。使同室相親。露屍與暴骸。收斂歸諸墳。精選強明吏。處
之使平均。鄉官與胥徒。欺者以重論。如此度幾乎。可無愁
怨人。下酬更生望。上慰再造仁。然而論議者。至今猶紛紛。
或復其古道。或因其自然。公如決於一。勿使衆議牽。在已
者有義。在命者以天。而况行職分。而况本誠忱。聖朝無不
察。知子之赤心。嗟余何爲者。草莽且賤微。與公本無素。一
見卽弗遺。以伯兄處我。以古人相期。小設猶致說。大事寧
無辭。年且六十。未作溝中屍。常恐公禮義。如投諸污泥。
豈欲爲迂濶。不得已爲詩。瀝吾之肝膽。但恐同兒嬉。又恐

誤公事。公千萬慎思。如將從近功。卽後圖便宜。如必謀久利。唯古人是希。是詢而是度。是訪而是咨。或博物君子。或宿儒老師。或濱河野叟。或市井年耆。或愚直夫婦。所言無蔽欺。或老胥退兵。耳聞而目窺。或世爲水學。可與講是非。或博募水工。按地形高卑。從便道穿渠。稍引河勢。披海旣爲大壑。汴旣分一支。如關竅疏通。臟腑病可治。此說如何哉。但恐出於狂。如何完障塞。如何復諸塘。觀變而待時。亦恐謀不臧。爲復有說者。且須嚴邊防。如魏尚守邊。見稱於馮唐。如祭同久任。使伏藏。以車制衝突。如衛青武剛。多置強弩手。如李廣大黃。選募如馬隆。練卒如高王。如漢置奔命。使我軍勢張。短兵斫馬脛。衝車亂其行。賞不以首級。所以嚴部分。大陷刀如牆。可以堅吾陣。羊叔子以德。郭子儀以信。光弼戰河陽。揮旗令直進。其時諸軍勢如決水。千仞楊素不用車。可汗下馬拜。僅以其身免。號哭而大敗。將帥在方略。勝却百萬兵。安邊在良將。勝却築長城。願子治水功。有以酬明時。便領鐵林兵。盡衣犀牛皮。連營環繡帽。大纛隨牙旗。分金賜勇敢。藏書付偏裨。先聲義信遠。下令霜風馳。出塞有豐草。近關無馬蹄。穹廬大漠外。別部黑山西。代謀爲上策。何用長纓羈。本朝正明盛。以德服外夷。使來不受獻。南越回山梯。西閉王門關。東却高句麗。四夷無一事。各安巢穴棲。名將更無功。優詔勒鼎彝。師旋作鼓吹。軍容除虎貔。銀鐙致郊勞。翰林嚴鑰扉。除書紙用麻。省吏身着緋。公方有所念。山足江之澹。無心入黃閣。有表辭赤墀。乞得老來身。浩歌還會稽。白雲與綠波。無所不可之。

春風桃花塢。秋色黃菊籬。茶籃與酒榼。壺矢兼琴棋。烹鷄
炊黍飯。可倩龐公妻。豈無會稽老。雪夜同泛溪。亦有二三
子。棹歌相追隨。散盡囊中金。留得身上衣。有宅是官借。無
田可扶犁。閑吟題寺觀。長嘯入雲霓。公得我詩後。一夢須
先歸。

李太白雜言

噫嘻歎奇哉。自開闢以來。不知幾千萬餘年。至於開元間。
忽生李詩仙。是時五星中。一星不在天。不知何物爲形容。
何物爲心胸。何物爲五臟。何物爲喉嚨。開口動舌生雲風。
當時大醉騎遊龍。開口向天吞玉虹。玉虹不死蟠胷中。然
後吐出光焰萬丈凌虛空。蓋自有詩人以來。我未嘗見大
洋。淡山雪霜冰霰。晨霞夕霏萬化千變。雷轟電掣花葩玉
潔。青天白雲秋江曉月。有如此之人。有如此之詩。屈生何
悴。宋玉何悲。賈生何戚。相如何疲。人生胡用自縲紲。當須
犖犖不可羈。乃知公是真英物。萬壘秋山聳清骨。當時杜
甫亦能詩。恰如老驥追霜鶻。戴烏紗。着宮錦。不是高歌卽
酣飲。飲時獨對月。明中醉來還抱清風寢。嗟君逸氣何飄
飄。枉教謫下青雲霄。大抵人生有用有不用。豈可戚戚反
效兒女曹。採蟠桃於海上。尋紫芝於山腰。吞漢武之金莖。
沆瀣吹弄玉之秦樓鳳簫。

答李端叔

有人頗似長沙傅。得官亦望長沙去。去時好賦楚江謠。還
使風騷滿江路。便須酌酒弔三閭。正是忠魂冤憤處。縣令
如今未去時。蘭亭故事猶可爲。莫惜千筒萬筒往。諸君方

壯我巴瘞。登科學究文章豪。數奇老將詩能高。長沙縣令
號才吏。方將睥睨謝與曹。涼風卽是八九月。紅萸黃菊花
將發。正是詩家得意時。莫學古人悲暮節。東南美者有吳
姬。紅襦繡袂無所施。把酒一卮輕皓腕。得詩一句勝娥眉。
山夫野叟只如此。諸君達者應相嗤。有酒且慢飲。有歌且
慢謳。共君說懷抱。未語先搔頭。良久欲說說不得。胸中有
物如山丘。君不聞東家女子花見羞。十六未嫁便悲憂。墻
頭樓上到日晚。馬驟車奔如水流。西家亦有閨中女。月壁
龍珠求未許。有心自比蟠桃花。無言竊笑陽臺雨。謝鯤便
是妾家鄰。敗唇折齒猶相語。何況五陵輕俠兒。拋金擲玉
教人非。一夫奔處千夫馳。不論榮辱與刺譏。羶中之蟻醢
中鷄。攫金逐獸兩眼迷。主人下馬客已齊。拜起俯仰容正
俾。有如六月賣蒲葵。唯恐不售霜風淒。言至於此良可悲。
所以慷慨見於詩。誰能起舞誰能歌。甕中有物如秋波。古
來多少無奈何。要須一醉都銷磨。茫茫人間岐路多。不如
海水通天河。

俊老行送林次中赴都司并序

客有張文潛與之夜坐論事良久及林公之義於是兩
人者名公爲俊老因公之去作俊老行送諸御者爲公
一笑也

熙寧察院一開口誰人膽落御史手其時面堅黑鬚力
欲回天氣衝斗一從蹭蹬作外官所居不苟心迹安剛不
可回堅不變頭如霜雪心如丹所以論者悅而服所養有
義其質端東西南北二十載一朝有勅却召還皂囊封上

曉班肅繡衣。步入秋霜寒。義有所徇。乞得身。白日降下天。
上人黃金龍節青囊印。亦惟熊乘朱斑輪。以其餘才修職。
分。以其餘力娛精神。望淮樓上對秋色。玉女花前泣晚春。
時時共帳過南郭。來就陶潛漉酒中。與人論事不必合。直
無所苟氣色真。持此以往無不可。古人所以爲正臣。淮南
一路事如草。嘉苗惡莠俱分了。中心皎皎如斯乎。外計區
區何足道。兩宮日月方齊明。羣公戮力營太平。公議急須
招俊老。清風先已過南京。

莫飲吳江水寄陳瑩中

莫飲吳江水。胸中恐有波濤起。莫食湘江魚。令人冤憤成
悲呼。湘江之竹可爲箭。吳江之水好淬劍。箭射讒夫心。劍
斫讒夫面。讒夫心雖破。胸中膽猶大。讒夫面雖破。口中舌
猶在。生能爲人患。死能爲鬼害。患兮害兮將奈何。兩厄薄
酒一長歌。灑向風煙付水波。遣弔胥山共汨羅。

瓊花歌

春皇自厭花多紅。欲得花顏如玉容。春皇青女淡相得。光
教斂與秋霜色。乃有雪月供光。星榆獻白。斟量銀漢琉璃
濕。人間美玉搗作灰。荆山崑山鬼神泣。天上有人名玉女。
投壺之外能爲素。姑射神人解種花。先須此物爲根芽。天
罅地竅掬精粹。蟾身驪額偷光華。其時正是天地交。二氣
上下陰陽調。此花孕育得其正。其間邪氣無纖毫。所以其
色爲正色。出乎其類拔乎萃。一如君子有諸內。粹然其色
見於外。三月將盡四月前。百花開盡春蕭然。揚州日暖花
開未。春香不動花房閉。仙掌秋高玉露濃。蛟人泣下珠璣

碎黃鸝本是花中客。啼盡好聲求不得。春皇費盡養花心。春風使盡開花力。春歸鶯去花始開。誰人放出滾闌來。唐家天子太平時。太真浴罷華清池。紅裳繡袂厭君眼。更作地仙披羽衣。麻姑睡起蓬萊島。風吹玉面秋天曉。洛川女子能長生。水生肌骨成瑤瓊。褒姒不見諸侯兵。盡日不笑如無情。宋玉移家安在哉。東隣不畫燕脂腮。卓文君去成都速。錦衣金翠慵裝束。吹簫容貌果何如。見說其人名弄玉。若此此花俱不足。淫妖怪艷文之累。一如婦人有賢德。不為邪色辭正色。孀居之女能自持。終身唯着大練衣。又如正色立朝者。不以柔媚為奸欺。以此論之乃可量。人之不正將胡為。論德乃是花之傑。論色乃是花之絕。洛陽花名古云好。看花須向揚州道。君不見去年花下吹黑風。霹靂閃電搜玉龍。此時半夜花光中。不覺屈曲蟠長虹。又不聞天上琳琅樹。種在烟霞最深處。白雲枝葉白玉英。此花莫是琳琅精。此花愛圓不愛缺。一樹花開似明月。襄王半夜指為雲。謝女黃昏吟作雪。杏花俗艷梨花粗。柳花細碎梅花疎。桃花不正其容冶。牡丹不謹其體舒。如此之類無足奇。此花之外更有誰。世非紅紫不入眼。此花何用求人知。詩人自與花相期。長告年年乞一枝。

姚黃 并序

紫霄漫翁李道源見約分吟姚黃。余畏其才不敢措筆。不得已而後塞命。因為之序曰。天下牡丹九十餘種。而姚黃居第一。其名雖千葉而實不可數。或累計萬千。莫不然不足高一尺也。花肉既重其梢下屈如一器。欹

側之狀。此亦花之巨美而精傑者乎。是宜見於詩而不可泯然使寂寂也。

黃河南畔伊川北。姚家宅是真花窟。古來多少豪奢兒。埋却千鶯萬鶯骨。中央精粹得之多。西方秀氣來相和。天與明光常借日。水宮暗脉正通河。春風如酒半酣時。誰教穀雨報花期。司馬坂前嬌半啓。洛陽城內人俱知。姚家門巷車馬填。牆頭墻下人差肩。花上紅綃都蔽日。花傍翠幕恰如煙。玉面兒來爭供帳。錦袍郎去鬪拋錢。無人不說姚花好。費却春功亦不少。日長風暖綠梢低。坐上金仙困將倒。翻塵餅劑和香檀。何以貯之承露槃。爛錦脫來嫌太艷。鮮衣染就欲驟鸞。君看此花肌肉豐。一尺餘高千萬重。粧面淡藏青步障。寶冠斜墮碧霞叢。步搖好稱釵鳳凰。玉環犀

佩珠鳴璫。帝女何緣心好道。阿嬌安用金爲房。紺窠累棲舒鴈雛。沉烟噴出狻猊爐。一種養成餘意態。千花瘦盡春肌膚。峨峨一器欹且傾。覆杯難辨鍾與觥。染以蛟綃求正色。叩之玉挺希宮聲。魏家紅共牛家碧。迭霸花中聳高格。如今晚首甘下風。九十種中爲第一。此花莫似武昭儀。出得宮來不畫眉。情貌欲爲狐媚態。衣裳却是比丘尼。楊妃本是傾國身。脫却紅襦號太真。河水欲濡頭上髻。馬嵬猶着舊時裙。物色一定猶可疑。人心作變宜難知。容易莫評真與欺。貌或如是心或非。君不見老莊有淡意。萬物之中最防僞。

管春風

我是蓬萊山上客。爲管春風歸不得。今年更是春來遲。江

南未寄梅花枝。探春童子青霞衣。時時去上青雲梯。春風
消息苦不遠。瑤臺瑤水水霧淺。蟠桃花在海東邊。此花不
煩春一點。東風日夜來人間。到時先催草根軟。大都紅紫
心先動。小桃先覺枝頭重。更有纖纖楊柳枝。路傍先得行
人弄。詩翁自愛蟠桃花。鸞鶴不在無雲車。城南夜半無酒
家。和冰和雪吞月華。有客笑中攜劍去。偷得銀瓶與肥豕。
詩公兩眼看浮雲。爲管春風不回顧。

花下飲

我向桃花下。立飲一杯酒。杯酒先濡鬢。花香隨入口。花爲
酒家媪。春作詩翁友。此時酒量開。酒量添一斗。君看陌上
春。令人笑拍手。半青籬畔草。半綠畦中韭。閑鳥下牛背。奔
豚穿狗竇。潛身猶相雀。引喙禽呼偶。包麻隣乞火。穿桑兒
餉糗。物類雖各殊。所樂亦同有。誰知花下情。猶能憶楊柳。
中心卒無累。外物任相搦。余方寓之樂。自號閑人叟。

謝周裕之

樂不須絲竹。花不須桃李。舞不須輕軀。歌不須皓齒。人生
各有樂。顧我如何爾。我是兩柳翁。家在南郭裏。詩酒以爲
樂。賓客至卽喜。酒味酸或淡。瓷碗粗而僻。或無一餠菜。但
費幾張紙。客所言用紙筆人情慕富貴。公何恥賤鄙。寒冷載肴酒。
暮夜煩屐履。字誠非粹然。飢餒亦勞止。不用卞郎瓠。但坐
杜侯倚。兩卓合八尺。一爐暖雙趾。不以藥隨時。而用繒掩
耳。或啖魚菹盡。或愛藏蔬美。或取鱸與腊。或約酒以指。入
皆悅真厚。誰敢停箸七。一客癯而清。偶坐爲六子。吟聲尚
鼓吹。懽情勝羅綺。俗物無所用。高會有如此。

富貴篇答李令

我有一箇詩。寫出千年意。將令後世觀。不是前言戲。感君再唱洞庭謠。我亦重歌酬子惠。古人達者嘗有異。姓王。一門五侯三將軍。弟兄同入中書堂。對開大第連幾坊。私門列戟森鋒鏑。十二簾捲珠熒煌。雙姬扶起坐牙床。綠鬟紅袖花成行。左盼右顧生春陽。高車食客劍佩鏘。堂上已滿坐兩廊。巨鑊大鼎烹牛羊。玉壺挹酒金船長。美人拜客求盡觴。歌姬一誤已絕航。纒頭彩幣堆如岡。酬歌買笑金鴛鴦。奴袍火浣直兩箱。三千廐馬紅錦障。厠幃文繡爐薰香。更衣侍妾如閨房。主人意氣秋鷹揚。其心端如彩鳳凰。一言合意青雲翔。須臾睚眦磨刀鎗。門前鵬月可燃裳。一日失辨成水墮。小者腰領屍道旁。大者連頸宗族亾。犬鷄散

盡空遺墻。野鳥入室山魃藏。嗚呼哀哉可歎傷。至死不悟猶陸梁。古來如此有多少。豈似洞庭湖上老。無租無稅一生閑。有飯有魚一杯飽。日落波間烟正昏。雲開湖口山光曉。棹翁適自巴陵迴。掛帆直指瀟湘道。有言不問俗窮通。何憂可入翁懷抱。脩竿短棹已自足。更有前村一茅屋。賣魚沽酒任醉醒。繡戶朱門自歌哭。嗟余未往心先慕。更謝棹翁詢去住。風前月下。有誰知。醉魄吟魂自來去。堂前畫作荆南圖。夢中記得巴陵路。

寄范椽

昨日沽酒典布襖。今朝所典未可保。最好綿衾剝典錢。又恐夜寒妻懊惱。兩務酒官俱見怜。沽我好酒如甘泉。爲報孟光莫惡發。待將黃卷換青錢。

贈張敏叔

張子生平最多難。未老頭毛白一半。頭雖更白詩更清。正作詩時人莫喚。頭不肖轉身不移。口中聲調霜風。婁太清宮殿月明時。第一莫吹松竹詩。

寄張文潛

不知今之人。誰識張縣尉。勿問胸中事。但看面上氣。所謂人英者。正是斯人輩。前年南郭中。文酒日夜會。一從舍我去。忽忽再逾歲。今茲歲且盡。爲子吟不睡。起坐却就枕。伸頭出紙被。約是三四更。老老抱雙脚。此時吟正酣。聲調不可却。春風起淮東。須臾到嵩洛。往往入子家。但子眠不覺。子覺將奈何。聲盡情思多。上東門外路。洛水生春波。還我大松來。不用寄詩歌。

送端叔二首 并序

夜漏將盡枕上再送端叔也。洛水之陽馬上爲我誦此詩。卽此詩用木葉書投之水中。便爲將來故事也。延安塞上見羣鴈。能爲我誦此詩。東南望否。夜中枕上聞孤鴈聲。尤數數誦此詩也。紙窮意未盡。

端叔上馬去。巷口馬頭轉。我喚端叔時。端叔急回面。記取此時意。莫使落風埃。上東門外水。正望楚州來。此水一來不復見。不及黃沙塞頭鴈。是物可寄情。是物可寄聲。不須使黃犬。延州岐路遠。莫怪不登淮上樓。只爲淮水不西流。直待啣蘆鴈。却迴其時隨到天盡頭。

送張宜父赴南從幕府 正彥

江南秋色芙蓉香滿江秋水傾銀潢泛水依花人姓張濤
翻浪湧揮文章突然出者何蒼蒼巨鼇爆背來中央鼃鼃
仰首仗四旁登臨談笑得庾郎安得霜鵬腰跨長騎上秋
空追鷓鴣北望海門形勢強美哉壯觀吳封疆若將前代
論興亡直談孫氏到陳梁凡爲佐命可哀傷其諸姦孽如
豺狼傾譏正直誣忠良以國販賣爲賈商歌姬舞女金滿
堂不須爲盜持刀鎗身雖幸免遺其殃子孫戮辱甚犬羊
所以不欲讀史書鼻漢日汗沾鬚潤州支使相如無山
陽老子如唐衢

贈陳留逸人

有人持一管不用蘆葉卷能作隴頭聲其女操六板吹者
寓其聲拍者會其情情聲與氣貌內外俱和平時時入酒
家便補幾枝花歸來無一事醉卧日西斜人或問所得答
云無憂嗟或問其所欲何物可相累我愛斯人者富貴所
不如如有如此娛樂作如何稱呼呼爲無憂人畫作無憂圖
更畫幾枝花酒瓢與酒壺

送呂清叔

慘慘黃昏天欲雪蕭蕭淮浦人聲絕風擊寒雲鴈正鳴客
眠孤棹燈將滅

和張文潛晚春四首

昨日枝頭紅鮮鮮染人指今朝尋不見已在汙泥底
麥穎未黃乾桑實半紅濕恰得一犁雨田事正火急
人事無如何多於道傍草但問酒有無莫管老不老
風暖鸞窠窄雲晴鳥翅健物生自有樂亦各適其願

示諸生
子莫爲文學纖麗。須是渾渾有古氣。本源要在養諸中。不然恐汝爲時輩。

答何楚才

有客能操耒而捨其良田。有客善攻玉而採珠於淵。二者之是非。子以謂何如。子乃捨所急。若是其渠渠。然余有二說。可爲不可爲。所爲不可者。子家無寒飢。所謂可爲者。奉養之所資。余此二說者。子當慎擇之。余嘗奇子貌。亦嘗憐子文。不能爲子謀。嗟哉空云云。

還崔秀才唱和詩

元白有餘勢。孟韓無困辭。子美骨格老。太白文采奇。當時大道久破碎。人人文字萎。茶而支離。天生數子。將卓卓。鵝正成羣。一鶚磨天飛。嗟君不與數子共。使君逸氣填塞無所施。我來雖無知。黃金白玉看如泥。自從詩卷一入手。掣然直上青雲梯。十宵不睡亦不困。厭賓日日關柴扉。秋風獵獵吹橫河。蒼天萬里生銀波。起來半夜吸一口。睡魂酒病都消磨。

贈慎叔良

昨日故人來。慰此白領叟。兩叟忽相見。面色如飲酒。將此酒色面。抵却春風寒。飲酒豈易比。懽好良所難。我已五十八。君已五十七。人生勿草草。兩公須努力。

和李自明

自明多奇辭。更爲奇怪歌。好共盧仝騎綠耳。吟哦直上崑崙坡。更令張旭輩。醉中揮筆書嗟峨。安用呼老子。兩脚踏

素馳有命得堅疾。無術除沉痾。一從水木迭用事。肺爲廢
物囚網羅。而况小暑之後。有初伏與大暑。更添熱厲兼昏
魔。骨間赫赤炭丸走。皮上烘炙鐵手摩。有時一屋之內。但
覺湯火近。不辨鑊與鍋。手持匕箸腹先脹。酒到喉隴顏已
醅。青黏漆葉無所用。身伸熊顧其奈何。五臟孰云可滌洗。
百骸終恐生蟲窠。脫身難上赤霄路。夢魂忽泛滄溟波。滄
溟盡處是星漢。有人常弄機與梭。枯槎去後更無客。歷歷
赤桂來經過。取得良書掛牛角。持將斗柄吞明河。但把明
河吞滿腹。不去龍田拾瑤玉。便控鼉頭出海來。霞點震痕
在肩目。起穿兩柳行青莎。怪歌使我須吟哦。吟哦作文非
小事。要爲法度後世無譏訶。大抵文章本諸內。歸之無憾
斯平和。擬之於經輔之友。精講明辨相切磋。君雖病肝其
心可用教。我雖病肺心亦不自阿。日夜思索已矣。老矣所
學亡失多。

和倪敦復

一別北軒君。參商與胡越。先聲從西來。塵榻爲君拂。吟行
時引頰。吟坐卽搖筆。未見問行人。旣見惜短日。緩頰相問
勞。劇談盡忠切。耳竅雖塞豆。口角自流沫。崔子祥而論。祝
令閔且說。籬間菊參差。樽中酒澄澈。把酒自相勸。投菊兩
不絕。客主莫分辨。僮僕亦娛悅。若比龐公家。妻子不羅列。
悔令唱驪歌。惜不醉寒月。念子爲令尹。行義高突兀。當官
志不回。斂版腰可折。與俗皆背馳。而慕古遺烈。竹節生便
堅。劔氣久已發。其時東野外。頻煩大夫謁。篇章日相尋。氣
勢誰可遏。仍攜大軸來。使我兩目閱。人事有合離。歲月成

恍惚逸翮騰方高。駿馬足不蹙。子實不我忘。我亦不子忽。
與之氣類同。見之心欲豁。金城不可破。鐵壁不可奪。擇交
蓋已定。言志亦已合。布陣詩甚詳。揮灑手不歇。更約臨行
時。斯言可贈別。

答范君錫

報漫翁無錢可沽酒。青衫典不得。黃卷賣不售。借問公田
中。秫米種幾斗。休管將來早與水。莫爲妻兒種粳米。兄來
留下二萬錢。送與酒家主人。未不然。何計見春風。空將花
插白頭翁。簿書營營幾時了。何如載酒訪楊雄。

誰何哭

誰何哭哀且危。白頭母朱顏兒。兒忽捨母去。母何用生爲。
架上有兒書。篋中有兒衣。兒聲不復聞。兒貌不復覩。誰何
哭哀復哀。腸未絕心先摧。母恃兒爲命。兒去不復來。朝看
他人兒。暮看他人子。一日一夜間。十生九復死。君不見昨
夜人靜黃昏時。含心抱痛無人知。其時忽不記。兒死倚門
引頸望兒歸。

鴈從何處來

鴈從何處來。正望東南飛。毛間認白露。肚下看殘暉。浮雲
共煙水。日夜爲所依。衡陽是故山。但恐故人稀。

哭狗狗

東門園上春風微。醇醇塚上花成圍。醇醇一去不復返。食
一盃兮酒一卮。悲莫悲乎今日。傷莫傷乎舊衣。思其言而
想其貌。吁嗟乎天喪吾兒。

哀哀詞

哀哀復哀哀。哀哀至此極。孤兒與慈母。中路忽相失。恍惚
須臾間。終日不復得。誰復坐我堂。誰復入我室。誰復飲兒
酒。誰復哺兒食。兒飢復誰念。兒寒復誰恤。耳不聞慈語。目
不見慈色。譬如行路人。日遠如一日。行人猶可期。遠道猶
可追。天窮地盡處。一日猶可歸。哀哀復哀哀。此去無盡時。
誰言生離別。不如死別離。君不見人已閉門鳥。已棲黃昏
塚。畔孤兒啼。

送倪敦復

手持報簡人歸後。足步迴廊角住聲。但恐舟行隨早晚。此
時秋色半陰晴。明朝路向雲邊望。今夜詩須枕上成。四壁
無燈窗有月。直無老夢到三更。

寄張景修

東南未回客。行樂又經年。吳市花朝酒。松江月夜船。窮閭
無屋住。廣殿有詩傳。若論平生事。無如任自然。

和孫元規資政游園

紅作簾帷翠作裯。隨軒歌舞一時新。未知醒者何如醉。且
向樽前莫負春。煙重柳梢寒蘸水。日高花徑暖生塵。自從
三月芳菲後。誤入桃源又幾人。

謝蔡子驥

好客重來直上廳。龐家妻女合炊烝。名言一坐令誰聽。老
病雙瞳爲子明。有道長官方就祿。無能司戶欲歸耕。如斯
出處俱平易。義理難時卽共評。

夜賞春寄敦復

莫道山陽官辛苦。大夫未是不閑人。晝來琴上披尋曲。夜

入花間點檢春。拖袂帶歸香滿袖。迴燈引去蝶隨身。高才自有風流格。吟作吳語事最新。

示汝弼

十載交情義有餘。離群還歎索然居。一番思我須成夢。每度人來定寄書。此日相從尤歎密。他時何處覓迂疎。回來徑哭青塋墓。莫向南城問舊居。

送至機

閉門有幸藏衰病。策杖無因奉俊游。繩纏劬骸方就枕。火燒皮骨正思秋。覽君健句如逢藥。慰我孤懷勝凭樓。見說束裝行未得。夢魂先到楚江頭。

寄路倅洪澤阻水

莫教容易過龜山。多少人心願復還。更有南城黃綬客。但

吟西戶綠楊間。纔經濁汴無沉浪。且趁清淮洗醉顏。安得就公歌一曲。緩吟遲步夕陽灣。

和路朝奉新居十五首

世俗紛紛事總虛。詩翁今作逸人居。勤穿凍地緣栽竹。喜占明窗爲著書。近市好賒春肆酒。就淮仍買晚罾魚。忽撐小艇來西郭。不問皆知訪仲車。

詩翁愛酒典衣沽。六子將孫侍燕居。正要白家醇釀法。不須劉德僞金書。厨經雪後炊無黍。門近淮瀨食有魚。何以獻公尋物。庾郎三韭載盈車。

昔也聞名誦子虛。今來白領隔城居。新詩解道論頭句。舊客仍移把臂書。北郭風高真隱豹。南州循政喻烹魚。歸時見說臨川路。父老爭留太守車。

陳傳門前客姓徐。有何智術佐間居。接簷俛仰令遮雨。縛
竹縱橫爲架書。越露斲田移草木。和灣汲水貯龜魚。上元
已過清明近。更約尋花不用車。
誰家住處近田廬。朝奉抽簪就退居。竹葉已成新歲酒。梅
花未領故人書。呼童解袂捫飢虱。趁日開箱曝蠹魚。一似
散仙閑到夜。卧屏仍看五雲車。
坐想堂前弄白鬚。蒲茵筍席正高居。綠衣六子傍供饌。錦
髻諸孫自教書。愛士主人新置榻。清身太守舊懸魚。更吟
整斗論頭句。勝却西庵詩一車。
不辨時人直與迂。濯纓且喜近淮居。朝衣脫後常耽睡。野
史脩時或借書。恨乏青山俱採藥。愛看白鳥伺吞魚。東園
酒花開近。待看詩翁倒載車。

簿領脫來如一夢。身名全後喜寧居。生來自信無非義。世
上何緣作謫書。所養有源如大水。其賢可樂比嘉魚。願公
八十爲更老。玉幣三徵乃就車。
自是平時大隱徒。何須水宿與山居。都無長物垂空橐。却
有閑房聚逸書。近見雪消思野蕨。遙呼船問憶江魚。卸帆
便去尋村酒。醉使兒孫推鹿車。
身着練袍履用蒲。鷓冠鳩杖稱郊居。家中但乏青囊印。坐
處便看黃卷書。賃屋爲無楊子宅。休官非爲武昌魚。長年
不出何妨事。况是門懸致仕車。
夷白先生好對廬。醉吟處士作鄰居。幅巾自去呼樵父。蠟
屐何時訪竹書。坐想高談搖麈尾。情知相諍跨鯨魚。更憐
同姓陪樽酒。勝却荀生得御車。

路家巷口是何渠。半似城中半野居。已退白仙常按曲。未
歸陸俊謾傳書。雪消墻外逢桃李。日暖門前見捕魚。更有
花間行處樂。舊時歌舞願隨車。

好養玄猿共鶴雛。茆葢屋竹間居家。無越使千金橐。腹
有齊臣四部書。一自臨川登畫鷁。便煩別駕掌銅魚。吟哦
還作詩仙退。恰似驂鸞鳳駕車。

世間詩淡鄭雲叟。壽且安寧陶隱居。愛酒自開浮蟻甕。耽
詩如好換鵝書。籜冠戴後摺筇竹。鶴氅披來控鯉魚。學作
蓬萊吟醉客。何須駟馬駕安車。

西庵翁上北城隅。爲望臨川舊守居。所恨足無雙翅鳥。但
將詩代一函書。甥教沈棹多沽酒。妻使磨刀細切魚。灑掃
待公來獻壽。親扶杖履醉升車。

和石宣德五柳亭 安正

五柳神君氣貌端。所希所向靜而安。每思往行投閑地。肯
逐時情慕熱官。秫酒易醒風戶猛。葛巾難卧月窗寒。也應
種得東籬菊。好置藍輿自在觀。

戲呈魏評事 三事

我向燈前置酒盃。南軒北戶一時開。如今正是花時節。且
放春風數路來。

寄蔡子驥

爲報廬陵客。逢人且寄聲。不知無恙否。何日到南城。

和張文潛晚春

易貯千尋水。難藏一點春。也須幾杯酒。還似送行人。
渡水衣須扱。穿林手自披。經春脚力軟。但恐上山遲。

二老寄朱廣微二首

二老相思又隔年。僧窗閑坐復何緣。吟翁最好鹽城住。時把歌詩付酒船。

寄聲切問朱監利。對面勤詢劉貴池。或見廣東程使者。為言收得寄來詩。

吳舒信道

淮干風起木枝搖。頷下甕甌一尺高。我是折薪扶耒手中丞。且莫笑龐豪。

上林殿院次公九首

衰翁大半白鬚鬢。活到明年六十餘。未死須為治河說。此生難就張飢書。西庵共坐諸僧榻。南郭親逢大使車。記得偶同詩韻否。淮東使者亦嗟歎。

林氏家藏萬帙書。五船便可當五車。別顧客舟施坐榻。更謀官舫作行厨。寫時教子烘青竹。讀處呼童捉蠹魚。悔不早知都借取。終身挾策灌園蔬。

贈黃魯直

不見故人彌有情。一見故人心眼明。忘却問君船住處。夜來清夢繞西城。

華陽山和查教授

玉井溫溫浸月華。幢幢松檜聳高牙。半峰已斷人間路。絕頂自開天上花。可恨白雲吟處起。何堪行路望中賒。怪來得似希夷子。借問如今有幾家。

宿山館

煙蘿斷處初逢舍。雲竹疎時忽見燈。嶮磴未歸樵塢叟。

庵已去誦經僧。暗龍吟罷庭無月。寒欬啼來谷有冰。君看
牀頭鐵鱗甲。雨痕苔暈幾千層。

倦客待沽山下酒。飢童先上竈頭燧。行經怪穴思防虎。坐
聽疎鍾欲訪僧。手弄一張琴似鐵。匣藏三尺劔如冰。調高
器古無人伴。身上煙霞空幾層。

龍歸潭面千尋黑。虎視林隈兩炬燈。執爨正燃炊飯火。乞
食恰值寄眠僧。倦聽雨後諸巖溜。渴憶春前一片冰。卧看

滿山紅日曉。碧瑤城闕鬱千層。

廚頭火滅童偷飯。梁上巢空鳥避燈。入夜更無同舍客。今
朝唯有放猿僧。樵庵已貯霜前果。竹院猶存臘後冰。誰道
煙霄花上處。一梯雲級萬餘層。

送李守

莫說真州南畔路。楚望亭南路已遙。只可寄聲來見問。更
難折簡去相招。船頭何處逢秋水。山下誰家把酒瓢。且趁
潮行急。搖艣到江州。後更無潮。癸亥六月十三日與朱至
潮一句其夕枕上成篇也

哭張六并序

張六子莊死矣。十一月十三日夜四更時。積用素服。望
其所居哭之。哭且爲詩。明且涕泣。以書使孤甥老老致
於柩前。嗚呼哀哉。

欲視目已瞑。欲語口已噤。欲動肉已寒。欲書手已硬。惟有
心上熱。惟存心中悲。此熱須臾間。此悲無休時。所悲孤兒
寒。所悲孤兒飢。苦苦復苦苦。此悲遂入土。

